

swjatych dnjach, kiž na wšedny džeń padnu, bywa kóždy króc serbski kemš prjedy. W Čětowje pak so po mojim zdaću z cyła žane serbske kemše wjacy njedzerža. — Miss. Pósta čita so 14 ex., a ev.-luth. knih. towařstwo ma 8 sobust.

Fararjo wot 1765: 1. Jan Wjela \* z Bošec, 1765—1800, prjedy far. w Boršći, † 7. dec. 1800; 2. Handrij Fabian, \* 4. okt. 1766 na Toroncy, 1801—19 († 14. jun.); 3. Ernst Timothej Šořta, 1819—1858 († 20. dec.); 4. Jurij Moric Brósk, \* 25. aug. 1833 w Malešecach, wot 2. jun. 1861.

Šula za wobě wosadže je w Křišowje. We njej so hižo dawno jenož němski wučí. Tohodla je tež paćeřska wučba wot l. 1880 jenož němska; 1880 na serbske paćeřje jenož hišće 3 holcy khodžachu resp. tež serbski wuknjechu.

Wučerjo běchu dotal wšitecy rodž. Serbja a to: 1. Jan Jurij Michałk 1755—60, wot. do Hodžija; 2. Jan Rössler 1760—78; 3. Michał Wjacka, \* 3. hapr. 1754 w Třoch Žonach, 1778—1812 († 22. febr.); 4. Jurij Petrik, \* 29. hapr. 1792 w Klukšu, 1812—1855, † 10. novbr. 1877 jako emeritus; 5. Karl Eduard Bergan, \* 12. aug. 1830 w Boršći, wot 1855.

Wjesna towařšnosć atd.: Njejsu žane přazy a žane towařstwo, na wsy so njespěwa. — Drasta je cyle němska. — Křćeńske mjena su tohorunja němske. Serbske swójbne mjena su z džěla přeněmčene. — Statoki maju hišće swoje wosebite mjena wot prjedawšich wobsedžerjow, kotrež pak so přeco wjacy zapomnjeju.

Městnostne mjena (někotre): Pronowe, Fūrotte, Hromadnik, Wěnakí, Tūmlitz (Čěmlicy?), na Tuchenjach.

Přistawk. Měrjowska wosada je hižo přez lětstotki přeněmčena. Běchu tam po officialnym ličenju 1883 hromadže 5 Serbja, kiž su wěsće hakle ze serbskich stronow pričahli.

### P ř i d a w k.

Hižo w předstojacym wopisanju smy wšelake příklady podawali, kak je so w posledním času ze Serbami w pruskich Hornich Łužicach wobkhađžowało. Runjež tam hižo wot starych časow „Němc Serbej runje won z měrom wusnuć njedaše“, kaž to dr. Rich. Andree w swojim spisu wobkruća, je so tola wot l. 1874 nowa epocha kruteho a wotmysleneho wojowanja přećiwo